

光緒山西通志

府州廳縣考一

考一之一

山西通志弟一

十三

聖選士出頭品置職兵部侍郎兼都察院右副都御史巡撫山西提督軍務

旨監修

山西西南均距大河東跨太行北控朔漠屹爲

神京右臂蓋得唐虞冀并二州之半而西據上游實盡二州之扼要出關東下卽有建瓴之勢天險自然以界三方歷代未易蓋亦弗可易也春秋肖爲晉地其時疆宇日辟跨河各百枚土故瓜分後追溯莫強至今猶侈稱三晉焉夫山西未足概全晉而山西實得稱三晉何者趙都晉陽太原是隸魏都安邑河東攸屬韓則初都平陽而上黨爲其別都是今山西境內秦漢腹裏三郡三家各據其一皆足以西向爭雄郡縣而後惟河東漢晉隸平司隸餘則盡入并州而并域亦不

外及異代改併雖有因革州縣疆域大抵不失其舊蓋四塞之固因高就下足以爲限有輔車之依無犬牙之錯與他境之可以朝秦暮楚者異固其地勢然也洎隋省併州郡名號相襲以逮

昭代無大變革迺考次其建置始末著於篇而以城池界至鄉鎮驛站舖遞道徑凡隸州縣者附焉

冀甯道一

山西全境 太原府

山西全境

禹貢冀州之西南域帝都在于唐都平陽

虞分冀州之北境置并州而都冀州之蒲坂

舜典肇十有二州尙書僞孔傳禹治水之後舜分冀州爲

國州并州正義以境界太遠始別置之 馬融曰舜以冀

州之北廣大置并州 鄭康成曰舜以冀州南北太遠分

衛為并案鄭氏言分衛為并者蓋以禹貢恆衛既從恆即

山其川滹沱滹沱故知分衛以北禹并也

恆衛考禹貢冀州之恆衛即職方之滹沱滹夷滹沱相

沿不革滹夷則今之桑乾是也河水自大陸以後東北

夾右碣石入于海入海之先二水從之實冀北之大川

與南境之衛漳即絳水者相埒故並記之周官沿十二

州之制分冀之北境為并而兼營州之地故冀川漳而

并以恆衛時易名改恆曰滹夷衛曰滹沱其實一也至

春秋時并北之地皆為狄居以至戰國漸為晉有然亦

祇及晉陽狼孟孟而止以北則尚為狄境洎趙拓境滅

代樓煩而并北乃入中土顧其地初闢沿革莫詳而幽燕則久峙七雄郡縣早置是以川瀆之名多可考見故先秦儒者論釋禹貢職方但據目驗滹沱近在腹地其名不變且知其卽禹貢之衛水而不能詳其上源但據靈壽以西黑山關之水謂卽其源也漚夷遠在代北名又屢變且隨地易稱故不能確知其在於是分恆與漚夷爲二涑易之南惟漚水源遠流長且源出恆陽與桑乾之東源實隔一山證以故老舊聞亦合又同音相近故以當職方之漚夷而不知卽禹貢之恆水故別指一水以當之而上曲陽之水實出恆山北谷名又相合且下流入滹卽有知爲一水者異源同委尤爲不悖而絕不知有灤水矣故所指二水及涑易皆近在幽州實

今直隸境內而不及并州之上源漢志雖詳二水始末而舊說相承既久亦祇存其說而不敢辨也然自漢志云然而近儒戴氏遂據以爲職方之并州皆在今直隸而非山西北境因以滾易濶流下流所匯之西定當職方之昭餘祁適證成其說之巧合矣是不可以不辨

夏復爲冀州都安邑

竹書紀年帝舜三十三年夏后受命於神宗遂復九州

孔穎達曰禹登王位遺置九州陳經曰禹貢之作乃在堯

時至舜時分九州爲十二州至夏之世又分爲九州案竹

年爲書本不足據此又冀尚音爲大禹說之文與前篇孔傳同但其言非無數且舊志所引始仍之

商仍爲冀州復分北境改爲幽州

爾雅兩河間曰冀州又燕曰幽州 孫炎曰爾雅與禹貢

職方皆不同疑為殷制

案爾雅燕曰幽州又十載燕有昭余祁據職方氏并州其澤藪曰昭

余祁則殷之幽州實兼并州之地矣

通典殷湯亦為九州統天下注冀荆

豫雍兗徐揚幽營營則禹貢青州也

周為冀州及并州之西境成王時封弟叔虞於晉

周官職方氏河內曰冀州其山鎮曰霍山其澤藪曰楊紆

其川漳其浸汾潞

案昔今山正北曰并州其山鎮曰恆山其

澤藪曰昭餘祁其川滹沱滹夷其浸涑易

今直隸地也又案爾雅燕曰幽州齊曰營州職方并

澤藪曰昭餘祁其川滹沱滹夷其浸涑易

春秋時為晉霍魏耿楊芮虞荀賈冀黎韓沈姒蓐黃各國地

又為赤狄白狄潞氏甲氏留吁鐸辰皋落廆咎如仇猶諸國

地後皆入於晉始分置縣祁

謹案襄三十一年有絳縣師昭二十八年分祁氏之

地後皆入於晉始分置縣祁

田爲七縣羊舌之田爲三縣此晉置縣之可考者又
哀二年趙簡子言上大夫受縣下大夫受郡此郡之
可考者時縣大郡小前人已言之

韓國屬趙都晉陽兼屬魏都安邑并屬韓

秦爲河東上黨太原三郡及代郡之西境雁門之南境雲中
之東南境及九原之境

楚漢時爲西魏國地都平陽又爲趙國之西鄙及代國之西
境後入漢復置河東太原上黨三郡高帝六年十二月復以
太原二十一縣建韓國都晉陽十一年春正月建代國都中
都郡縣如故文帝前元年建太原國都晉陽代國都中都後
代徙淮陽併代入太原改號代仍都晉陽武帝置十二部刺
史爲并州之太原上黨西河十四縣五原二縣雲中定襄雁

門七郡及司隸之河東郡幽州之代郡十縣地又別置朔方

刺史始元元年以河東郡隸并州案晉志并州十郡有代郡

上郡非今山西境實九郡非十郡也

後漢建武初省朔方刺史入并州治晉陽建安十八年省并

州入冀州二十年魏武始集塞下荒地立新興郡後又分上

黨郡立樂平郡

魏黃初元年復置并州陘嶺以北盡棄之正始八年分司隸

之河東郡置平陽郡復以司隸所部之五郡置司州二郡屬

焉

晉定司隸為司州惠帝改新興為晉昌郡永興元年并州地

入於劉淵淵以雍州刺史鎮平陽幽州刺史鎮離石劉聰置

左右司隸及殷衛東梁西河陽北兗五州時劉琨尚為并州

刺史拓跋猗盧封爲代公建興四年劉琨失并州走薊地入石勒劉曜徙都長安平陽以東地盡入石勒勒又置朔方郡又於離石置永石郡又分置武鄉郡苻堅姚興赫連勃勃并州並徙治河東姚興又以河東爲并冀二州其時慕容永慕容垂亦分據焉

後魏爲并肆晉建汾東雍南汾恆朔雲蔚廓武顯甯靈東夏秦陝及洛州之境都盛樂後都平城盡有漢末所棄陁嶺以北之地置懷朔武川撫冥柔元等六鎮永熙三年國分爲二并州以東爲東魏晉州以西爲西魏後東魏入於齊西魏入於周齊平皆爲周有

隋爲冀州之長平十四郡地義甯元年唐師起太原以南晉屬焉是年劉武周據馬邑取樓煩三郡後又取榆次并州晉

州滄州武德三年地入唐

唐爲河東道及關內道陝州三縣之境置河東採訪處置使治蒲州五代初梁唐分有其地後入唐石晉後陘嶺以北入契丹漢因之周太原屬劉崇有并汾忻代嵐憲隆沁遼麟石十州地宋爲河東路及陝西永興軍路之河中府陝解二州地置河東路經略安撫使以太原守臣兼領

遼雁門以北屬西京道非親王不得主之

金西京路置西京留守司河東北路河東南路各置兵馬都總管府

元置河東山西道宣慰司於大同領大同路置河東山西道肅政廉訪司於冀甯鎮冀甯晉甯二路又得上都路之地至正十七年於冀甯分中書省二十七年又分省大同以冀甯

爲參政省其年國變迄無定制

元地理志唐以前以郡領縣而已元則有路府州縣四等大率以路領州領縣而腹裏或有以路領府府領州州領縣者其府與州又有不隸路而直隸省者

舊志河東山西道乃腹裏也故冀甯諸路直隸省部

謹案山西之名始此七國時稱六國爲山東諸侯漢有山西出將山東出相之語皆指函谷關非今境

明置山西等處承宣布政使司領太原平陽大同三府潞澤汾沁遼五州置山西都指揮使司領太原左太原右太原前振武平陽潞州鎮西七衛保德州甯化沁州汾州四所又置山西行都指揮使司領大同前大同後大同左大同右天城陽和鎮魯玉林高山雲川朔州威遠安東中屯十三衛山陰

馬邑二所置山西等處按察司分冀甯冀南冀北河東等四道兼察諸府州衛所三司並治太原行都司則分治於大同洪武時分封晉王國太原代王國大同藩王國潞州皆設護衛永樂元年置巡撫大同都御史駐大同宣德初置巡撫山西都御史治太原防秋駐代州景泰元年置總督宣大都御史治陽和衛朔州嘉靖十年升潞州爲潞安府萬曆二十三年改汾州爲府山西始領五府三州

國朝因之初置總督都御史巡撫山西都御史順治十四年以後總督裁康熙四年裁冀南冀北二道十年設雁平道雍正元年設歸化廳二年析太原之平定忻代保德平陽之蒲解絳吉隰爲直隸州以壽陽等縣分隸三年改置朔平甯武二府設右玉等縣六年升澤蒲二州爲府設永濟鳳臺等縣

而以大同府屬之蔚州歸直隸宣化府其廣靈等三縣仍隸大同八年又析蒲州府臨晉縣之南境設虞鄉縣十年又以大同府屬之廣昌改隸直隸之易州十三年設和林格爾托克托城薩拉齊三廳乾隆元年設綏遠城及清水河廳六年設歸綏道二十八年併清源入徐溝二十九年併平順入潞城三十五年升霍州爲直隸州以趙城靈石二縣隸之又改吉州直隸州爲散州並所屬之鄉甯縣隸平陽府嘉慶元年併馬邑入朔州又併樂平入平定州光緒八年又改大同府之豐鎮同知朔平府之甯遠通判皆爲直隸廳隸歸綏道於是山西總領冀甯河東雁平歸綏四道九府十州七廳分治州六縣八十有五

太原府 平陽府 潞安府 汾州府 大同府 朔平

府 宿武府 澤州府 蒲州府

遼州 沁州 平定州 忻州 代州 保德州 解州

絳州 隰州 霍州

歸化廳 薩拉齊廳 豐鎮廳 清水河廳 托克托廳

甯遠廳 和林格爾廳

謹案山西共統廳七直隸州十州六縣八十五鄉四

共百一十二局當漢縣一百二十四其沿古名者甚

多春秋時晉縣六絳解長子屯留祁孟皆同地而絳

則不與漢縣同地漢縣十九同地者十榆次介休襄

陵猗氏安邑聞喜襄垣壺關靈邱馬邑不同地者九

陽曲平陶臨汾沁水崞繁峙汾陽平定定襄又同地

而名有增減者三路垣蒲子又漢郡本非縣名至後

世乃名縣者八定襄九原雲中代太原上黨河東西
河沿革源流州縣志未能盡詳今皆爲之剖辨明晰
各載本縣下其疑難明者則加引證於下不敢蹈武
斷之弊也

太原府爲省會

山西巡撫部院提督學政布政司按察司並治此

省境 東西廣八百八十里南北袤一千六百二十五里

東至直隸正定府井陘縣界三百七十五里少南至正定府
贊皇縣界四百三十里 西至陝西鞏德州吳堡縣界五百
五里少南至陝西同州府韓城縣界八百一十五里 南至
河南陝州界黃河岸一千二十三里少東至河南懷慶府河
內縣界七百三十里 北至得勝口外邊牆七百里至長城

七百六十里 東南至河南衛輝府輝縣界八百五十里至河南懷慶府修武縣界七百二十里 西南至陝西同州府朝邑縣界一千一百五里潼關廳界一千一百六十里華州華陰縣治一千一百八十里 東北至直隸宣化府懷安縣界邊牆八百七十里 西北至陝西榆林府府谷縣界四百八十里在

京師西南一千二百里 其北自大同朔平邊外為歸綏八廳東西廣七百一十里南北袤四百九十里

右山西全境

太原府 要缺 衝繁難

分守冀甯道治所

- 轄府四 太原府 汾州府 潞安府 澤州府

直隸州三 遼州 沁州 平定州

州二縣三十五

上古大夏地高辛氏二子季曰實沈初遷於此又曰太原金

天氏之裔子臺駘所居杜預左傳注太原晉陽也臺駘所居陶唐為冀州之域

禹貢既修太原至於岳陽師古曰太原即今之晉陽

頽炎武曰知錄薄伐獫狁至於太原毛鄭皆不詳其地其

以為今太原陽曲縣者始於朱子呂氏讀詩記嚴氏詩緝並云而愚未

敢信也古之言太原者多矣若此詩則必先求涇陽所在

而後太原可得而明也漢書地理志安定郡有涇陽縣开

頭山在西禹貢涇水所出後漢書靈帝紀段熲破先零羌

於涇陽注涇陽縣在安定屬原州郡縣志原州平涼縣本

漢涇陽縣地今縣西四十里涇陽故城是也然則太原當

卽今之平涼而後魏立爲原州亦是取古太原之名爾唐書

原州平涼卽治高平廣德元年朱文吐蕃節度使馬磷表

置行原州於靈臺之百里城貞元十九年徙治平涼元和

三年又徙治臨涇大中三年收復關隴歸治高平計周人之禦獫狁必在涇原之

間若晉陽之太原在大河之東距周京千五百里豈有寇

從西來兵反東出者乎故天子命我城彼朔方國語宣王

料民於太原亦以其地近邊而爲禦戎之備必不料之於

晉國也又按漢書賈捐之言秦地南不過閩越北不過太

原而天下潰畔亦是平涼而非晉陽也漢武帝始開朔方

北地上郡而止若晉陽之太原則其若書禹貢旣修太原

外有雁門雲中九原不得言不過也至於岳陽春秋晉荀吳帥師敗狄於太原及子產對叔向

宣汾洮障太澤以處太原則是今之晉陽而豈可以晉之

太原爲周之太原乎司馬相如上林賦布護門澤延曼太

原阮籍東平賦長風張厲蕭條太原

高平曰原蓋古人之通稱也

唐隸并州夏仍屬冀州商省入幽州周隸并州成王封弟叔虞於唐都晉陽子變父更號晉春秋爲晉國戰國時屬趙秦莊襄王四年置太原郡領縣三十七漢因之領縣二十一治晉陽屬并州

水經注汾水下汾水又南逕梗陽縣故城東故榆次之梗陽鄉也魏獻子以邑大夫魏戊也 洞過水下榆次縣故涂水鄉晉大夫智徐吾之邑也漢書曰榆次十三州志以爲涂陽縣矣王莽之太原亭也

謹案史記六國表秦莊襄王二年蒙驁拔趙狼孟三十七城置太原郡今漢志太原領二十一縣少十六縣舊通志以爲多所省併此不然漢初祇太原河東

上黨三郡高帝始分置西河然與河東上黨二郡皆不相接今考西河郡跨河爲境當是東割太原西境西割上郡東境所置凡統縣三十六其二十二縣在河西者上郡屬也其隰成中陽土軍靛是藺離石皋猥臨水平周益蘭干章廣衍宣武武車十四縣在河東者太原屬也合之太原二十一縣共三十五城仍少二縣竊意榆次之涂水梗陽二鄉春秋本二縣地趙時已有榆次據水經注汾水條稱梗陽縣故城洞過水條稱涂陽縣以上下文義考之似非駁文是漢初二縣尙分後乃併入榆次耳如以爲本春秋故縣而言則涂陽又非涂水之舊必非一時之名矣雖單文孤證未敢據爲定論亦可爲考古之資焉

東漢仍隸并州領縣十六省後人汾陽二縣析廣武原平二縣屬雁門郡上艾屬冀州之常山國建安中省并州入冀州魏復隸并州晉建太原國領縣十三治晉陽析介休屬西河省茲氏慮虜二縣惠帝永興後爲劉淵石勒所據其後苻丕爲慕容垂所迫奔晉陽僭號一年爲西燕所滅

謹案晉書永興後并州之地盡入劉元海殊未審後二年劉琨方爲并州刺史仍治晉陽西晉之末琨方失并州地入石勒元海未能盡得并州也

北魏仍置太原郡隸并州領縣十治晉陽北齊置并州省建別宮於晉陽周武帝建德六年平齊置并州六府後置總管廢六府隋開皇三年廢總管府置河北道行臺尙書省九年改行臺爲并州總管府大業元年廢總管三年罷州爲太原

郡領縣十五

謹案太平記隋季陵遲寇盜充斥煬帝以唐高祖爲山西河東道撫慰大使太原郡留守考山西之名實始於此前此無之又唐分天下爲十道道之名亦始於此河東道卽沿隋季之稱也

唐武德元年改爲并州總管府領縣十六其年置清源縣以榆社還韓州三年廢總管又置汾陽縣仍以孟壽陽置受州樂平遼山平城石艾置遼州太谷祁置太州以文水屬汾州四年又置總管管并介受遼太榆汾七州旋改上總管五年又改代石二總管上總管爲大總管六年又改朔州總管仍以文水來屬旋廢太州以二縣來屬七年改爲大都督府復置羅陰縣又省陽直改汾陽爲陽曲縣又以文水屬汾州貞

魏元年省烏河羅陰二縣又以文水來屬八年以廢受州之
受陽孟樂平石艾四縣順州之燕然縣並來屬督并汾箕嵐
四州十四年廢燕然縣龍朔二年進爲都督府天授元年置
北都兼都督府聖祿二年於城中置朔方天兵軍管兵二萬
人馬五千五百匹神龍元年罷開元十一年又置北都改并
州爲太原府太原郡領縣十三隸河東道河東節度使理太
原府府管兵五萬五千人馬一萬四千匹最爲天下雄鎮天
寶元年改北都爲北京上元二年罷肅宗元年復爲北都五
代唐莊宗同光元年建西京三年又改北京軍曰河東後爲
劉崇所據號北漢宋太平興國四年平北漢降爲繁州軍事
移州於三交寨陽曲縣界毀其城又廢太原晉陽二縣以平
定樂平二縣屬平定軍交城屬大通監徙治榆次縣七年徙

治唐明監領河東路經略安撫使至和元年以并州為太原府太原郡河東節度領縣十隸河東路元豐為次府大觀元年升大都督府金為上府改軍曰武勇領縣十一復名并州太原郡河東軍總管府置轉運司隸河東北路兵馬都總管府元太祖十一年立太原路總管府大德九年改冀甯路領錄事司一領縣十隸河東山西道肅政廉訪司明初改為太原府置太原左右前三衛萬厯中改汾州為府割永甯甯鄉臨縣分屬始統州五縣二十隸山西布政使司

國朝因之雍正二年析平定州忻州代州保德州為直隸州又析樂平壽陽盂縣入平定州定襄靜樂入忻州五臺崞縣繁峙入代州河曲興縣入保德州八年仍以興縣屬府於是太原府領州一縣十

陽曲縣 太原縣 榆次縣 太谷縣 祁縣 徐海縣

交城縣 文水縣 岢嵐州 嵐縣 興縣

府城 宋太平興國四年太宗平劉氏毀太原古城徙州榆次又三年復遷於唐明鎮即今會城地此太原城之始也舊偏於西南明洪武九年永平侯謝成因舊城展東南北三面周垣二十四里高三丈五尺外包以陂池深三丈門八東曰宜春曰迎暉南曰迎澤曰承恩西曰阜成曰振武北曰鎮遠曰拱極八門甕城各一山迎澤門至承恩門二里由承恩門至宜春門四里有奇由拱極門至鎮遠門二里由迎暉門至拱極門四里有奇由鎮遠門至阜成門五里有奇由阜成門至振武門一里半由振武門至迎澤門三里有奇四隅建大樓十二周垣小樓九十東面二十

三座南面二十二座西面二十四座北面二十一座二十五
 驛院輒作一樓嘉靖四十四年巡撫萬恭重修萬曆三十五
 年巡撫李景元又修崇禎甲申焚南關城樓以守關賊又焚
 毀東南角樓

國朝順治七年巡撫劉遇建甌樓以補之十七年巡撫白如
 梅重修嗣是巡撫嚆禮隨時補葺存城門大樓八座南甕城

大樓一座四面小樓各一角樓四座滿兵四舖綠旗兵二十

舖敵臺二十六座雍正八年巡撫覺羅石麟加築滿兵十二

舖東面滿兵三舖綠旗兵五舖敵臺六座自東南角至第一
 舖舖滿兵房七十丈又至第二舖舖綠旗兵房六十五丈第三
 舖舖綠旗兵房七十五丈第四舖舖綠旗兵房九十五丈第五舖舖
 舖舖綠旗兵房一百一十五丈第六舖舖綠旗兵房七十九丈至東
 角七十四丈共袤八百四丈有奇北面滿兵三舖綠旗兵五
 舖敵臺六座自東北角至第一舖舖綠旗兵房七十丈又至第
 二舖舖滿兵房一百三十丈第三舖舖綠旗兵房一百五十丈第

西舖滿兵房五十二丈第五舖綠旗兵房五十五丈第六舖
 綠旗兵房一百二十五丈至西北角七舖滿兵房八十五丈第八舖
 綠旗兵房六十五丈至西北角共袤八百丈西面
 滿兵三舖綠旗兵五舖敵臺七座白西北角至第一舖綠旗
 兵房七十丈又至第二舖滿兵房一百七十五丈第五舖綠旗
 房七十五丈第六舖又至第四舖綠旗兵房九十五丈第七舖
 十二丈第六舖綠旗兵房九十五丈第七舖至西南角七舖
 一百五十四丈第八舖有奇南面滿兵三舖綠旗兵五舖敵
 臺七座自西南角至第一舖滿兵房七十丈又至第二舖
 旗兵房一百三十丈第三舖綠旗兵房五十二丈第六舖綠
 滿兵房五十二丈第五舖綠旗兵房五十二丈第六舖綠
 兵房一百二十五丈第七舖綠旗兵房八十五丈第八舖綠
 兵房六十五丈至東南角七舖綠旗兵房八十五丈第八舖
 志所記諸舖今大半頽廢附錄咸豐元年八月東南門樓
 其文據之周周度數略藉以見

於火光緒十三年巡撫剛重建
 南關城 明景泰初巡撫朱鑑築周圍五里七十二步高二

丈五尺女牆高五尺堞口一千七百三十六大樓五座角樓
 四座敵臺三十八座門五東居其二嘉靖十九年布政使吳

瀚重修四十四年巡撫萬恭甄包兼築連城後爲闖賊僞總兵陳永福拆毀

國朝順治十七年巡撫白如梅修築東西牆接大城今存木橋門城樓一座

北關城 周圍二里高二丈四尺門一垛口六百五十角樓四座明季亦經賊毀

國朝巡撫白如梅補葺

滿洲城 在府城內西南隅南至城根北至西米市東至大街西至城根南北二百六十丈東西一百六十一丈七尺周圍共八百四十三丈四尺東門二北正藍旗南鑲藍旗北門一順治六年巡撫祝世昌巡按趙班璽布政孫茂蘭按察張儒秀知府曹時舉知縣劉光漢奉

旨建光緒十二年七月城爲水毀明年巡撫剛毅奏請於府
城東南隅別建新城周三百九十二丈門三座衙署營房祠
宇義學悉備

府境 東西廣五百七十里南北袤七百三十里
東至平定州壽陽縣界一百七十里 西至汾州府永甯州
界四百里 南至沁州沁源縣界四百七十里 北至忻州
界石嶺關一百五里 東南到遼州榆社縣界二百四十里
西南到汾州府平遙縣界二百五十里 東北到忻州定
襄縣界一百八十里 西北到保德州界五百里

陽曲縣

安城
衝繁難

戰國趙狼孟邑及孟之西境晉陽之東北境地也秦置縣隸
太原郡二漢因之莽曰又置陽曲縣亦隸太原郡而非今縣

境後漢末魏武徙陽曲民於太原北四十五里狼孟南境築

城居之為今縣得名之始晉狼孟陽曲仍屬太原國後魏以

陽曲隸永安郡於其舊治置定襄縣而移治於木井城南四

里元利志曰為陽直故縣木井城唐隋文帝自以姓楊惡陽

曲之名開皇三年改為陽直屬太原郡十年徙治木井城東

北四十里元和志曰為十六年改陽直曰汾陽復分置孟縣

又於晉陽縣別析置陽直縣大業初皆廢復改汾陽為陽直

移置木井城元和志今縣理是也東魏孝靜帝唐隸北都

太原府在府北七十里武德三年嘗於縣西十五里析陽直

置汾陽縣屬并州七年省陽直又更汾陽曰陽曲治木井城

其年又析置羅陰縣貞觀元年省六年以蘇農部落置燕然

縣隸順州八年州廢縣僑治陽曲十四年又省燕然縣入陽

由宋次赤太平興國七年始徙并州治於縣南唐明監徙縣

治於西郭外為郭下縣金倚天會中移治郭下大定間割榆

次之西北鄉八百戶屬焉元中郭隸冀甯路明為太原府治

國朝因之編戶舊八十六里今六十三里近志六十三都七百村

史記始皇十五年大興兵至太原取狼孟元和志狼孟

故城在縣東北三十六里故孟城在縣東北八十里陽曲

縣城故木井城也按舊陽曲今忻州定襄縣是也後漢末

移於太原縣北四十五里陽曲故城是也

縣志狼孟故城在縣東北六十里黃土寨邨東至今城

址猶存南北袤一百餘步東西廣一百餘步中有古寨

元和志云在縣東三十六里狼馬澗者誤案元和志蓋本水經注云

洛陰水又西逕狼孟故城南左右火澗南面大壑係澗之狼馬澗舊縣城有南北門門闕故壁尚在之

諸書不詳不知故城南面之大壑乃名狼馬澗非城在湖中與近志不異也又案志云縣東北三十六里乃本縣地志之語括地志唐初作其時陽直正治木井城縣東北三十六里正合近志誤以今治準之則不合矣

謹案今陽曲縣固非漢縣舊境亦不僅為狼孟縣地與孟之西境也今之會城大約在晉陽之東境魏志稱曹公徙陽曲之民築城於狼孟南界居之即今之陽曲灣也在會城北三十里以水經注證之狼孟南界距洛陰水不遠即當別屬意即晉陽之東北或榆次之西北也太原舊城在今會城南十五里汾水西岸當晉水下口而唐太原縣治東城在汾東準之地望當在太原境內無疑至宋毀府城廢二縣初徙州治於陽曲界三交寨今府北十里舖也則界南十里尚非陽曲所有洎再遷之唐明監更非陽曲所得屬

但既移縣治西郭外此時乃始廢監隸縣耳金大定
中割榆次西北鄉八百戶入陽曲當即親賢馬南二
都南境從此稍拓然不過十里即太原界則當宋移
治時城南一步脊非所隸也明矣

縣城 附郭

縣境 東西廣一百五十里南北袤一百二十里

東至壽陽縣界王胡莊六十里壽陽縣治一百五十里 西

至交城縣界故交村九十里 南至太原縣界王村十里縣志

南抵太原縣馬村十五里少西至太原縣治四十里 北至忻州界石嶺

關閣城子一百十里冊作至雙城忻州治一百四十里 東

南到榆次縣界後溝村二十里榆次縣治六十里 西南到

交城縣界河口八十里交城縣治一百二十里 東北到盂

縣賈莊一百七十里孟縣治二百四十里 西北到靜樂縣

界凌井口西小店一百二十里靜樂縣治二百二十里

太原府同知駐王封鎮

巡檢司在石嶺關

鄉鎮 東南鄉馬莊十五里 東北鄉青龍鎮五十里 故縣鎮七

里東黃水鎮八十 陽興鎮三百二十 黃土寨六十 大孟鎮九十

三合店九十 石嶺關一百 北鄉皇后園二十五 陽曲鎮三十

河莊赤塘關一百 西北鄉向陽鎮三十 天門關五十 凌

井驛九十 小店鎮百二 西鄉王封鎮四十 河口鎮八十 呼

延都三十 紅崖頭百二

驛站 臨汾驛極衝 在縣治後東五十里至榆次縣鳴謙驛

南八十里至徐溝縣同戈驛北六十里至成晉驛西八十里

至凌井驛見額馬九十二匹馬夫四十六名遞運所夫一百八十名 成晉驛 次新 在黃土寨北八十里至忻州九原驛西七十里至凌井驛見額馬三十四匹馬夫十五名廠夫三十名 凌井驛 僻 在凌井村西七十里至靜樂縣康家會驛見額馬八匹馬夫四名

舖遞 總舖在府治前 南路老軍營里三親賢里十狄村里十

北路三交里十新店里二十陽曲灣里三十司土窰里四十青蒿嘴十五

黃土寨里六十柏井里七十馬舖頭里八十三合店里九十石嶺關

一百 西北路趙莊里七故碾里二十向陽里三十白板里四十天門

關里五十花板石里六十掃峪里七十闊角里八十凌井里九十太傅里一百

道徑 東南至太原縣鄭村界三十里西南至太原縣楊家

堡界十里此孔道也東至李家山壽陽縣界四十里南至親賢村太原縣界十里西南至王村清源縣界此小徑也

太原縣 中缺街繁

古大夏地實沈居之唐堯始都此夏商為唐國周成王滅之以封弟叔虞仍為唐國其子變父始名晉春秋為晉大鹵地亦曰晉陽趙氏食邑戰國屬趙秦置縣為太原郡治漢初為代王國都後漢并州刺史治晉侯國為太原國都北魏真君九年罷榆次縣入焉北齊河清四年自州城中徙晉陽縣於汾水東武平六年於州城中置龍山縣帶太原郡隋開皇初郡廢置并州十年省龍山縣徙晉陽於州城中又析晉陽置陽直縣於汾東晉陽故城置太原縣屬并州仍帶郡十六年又析太原置清源縣大業初陽直清源二縣並省三年罷州

遼郡末年徙太原縣入郡城唐赤隸太原府貞觀十一年長

史李勣築城於汾水東在州東二百六十步十二年遷遷太

原縣於東城舊治晉陽在州南二里天授元年建北都暨晉

陽並為赤縣宋中太平興國四年廢太原郭下太原晉陽二

縣置平晉縣於故城北三十里隸太原府咸平四年置永利

監兼領縣事熙甯三年廢平晉縣入陽曲政和五年復金仍

隸太原府大定初割榆次西鄉四千五百戶入平晉貞祐四

年廢興定元年復元下隸冀甯路明洪武四年徙平晉縣治

於汾河西故唐城基之南八年三月改為太原縣隸太原府

國朝因之編戶舊五十一里今同近志坊南五都

左傳遷實沈於大夏唐人是因以服事夏商杜注夏墟大

夏今太原晉陽也又昭八年晉荀吳敗狄於大鹵杜注大

南晉陽縣也

定十三年趙魏入晉陽注同

元和志晉陽縣按前此晉

陽縣理城中齊武成帝河清四年移晉陽於汾水東今太

原縣理是也今太原有三城府及晉陽縣在西城太原縣

在東城汾水貫中城南流舊府城故老傳晉并州刺史劉

琨築今按城高四丈周迴二十七里城中又有三城其一

曰大明城即古晉陽城也姚暹序行記云晉陽宮西南有

小城高四丈周迴四里又一城南面因大明城西面連倉

城東面因州城曰新城高四丈周迴七里又一城東面連

新城西面北面因州城今名倉城高四丈周迴八里又太

原縣陽曲故城在縣北約十五里陽直故城在縣東北二

十里隋開皇十六年改陽曲縣理此

案陽曲當作汾陽以上太平記並同

唐書地理志北都晉陽宮在都之西北宮城周二千五百

有二十步崇四丈八尺都城左汾右晉潛邱在中長四千三百二十一歩廣三千一百三十二歩周萬五千一百五十三歩其崇四丈汾東曰東城貞觀十一年長史李勣築兩城之間有中城武后時築以合東城宮南有大明城故宮城也宮城東有起義堂倉城中有受瑞壇 太平記平

晉縣州北三十里

舊志故城在今縣東北二十里汾河之東

舊通志晉陽辨兩漢書注帝王世紀及左傳杜注通典等書皆謂晉陽爲叔虞封地且以晉水爲證後人遂沿而不察按史記晉世家唐在河汾之東方百里於今翼城爲近案以晉陽爲叔虞初封始於杜注相沿已久削之未免駭異今仍舊說爲主舊志所辨語雖未有籍證也詳平陽府州縣下

謹案太原肇自禹貢祇原野之統名晉陽昉於春秋

實城邑之定號稱名不一未可強同泊秦取趙城徙而郡縣太原久爲雄郡晉陽代倚郭下統屬攸分大小斯判乃至隋而太原初有縣稱迨宋而晉陽替爲廢號是又古今稱名之一變矣又考晉陽舊在汾西北齊始移治汾東此爲汾東立縣之始然於州城又別置龍山縣至隋省龍山乃還晉陽於舊治州城中則仍在汾西矣又於汾東舊治別置太原縣此爲太原立縣之始則本在汾東也至大業末移太原於州城與晉陽同治唐貞觀時又還太原於汾東舊治從此與晉陽治西城者同爲赤縣則晉陽一徙汾東終始皆在汾西太原一徙汾西先後祇在汾東也宋廢二縣而晉陽遂無片土明改平晉而太原遂被於汾

西今人多目會城爲晉陽則又移晉陽於汾東矣郡
縣稱名之變詎有定耶

縣城 卽晉陽南關基明洪武八年改爲太原縣景泰元年
知縣劉敏因舊基始築城周七里高三丈濠深一丈門四東
曰觀瀾南曰進賢西曰望翠北曰奉宣正德七年重修上各
建城樓角樓十二年崇廣之十四年復作埤以輒其崇六尺
廣五尺嘉靖二十一年增修共高三丈五尺厚二丈闊三丈
外又增築敵臺三十二座隆慶二年增城一丈萬曆十六年
於舊濠外加築女牆牆外復濬濠闊十丈深三丈賴以守險
崇禎末甄贄

國朝順治五年功始竟康熙十七年二十年二十七年乾隆
十五年二十九年並嘗重修三十三年風峪山水暴漲西城

大圯明年知縣江二儀修復之

縣境 在府西南四十五里

東西廣六十五里南北袤六十里

東至榆次縣界東賈村二十五里冊作至鄭村舖榆次縣界五十里

治七十里 西至陽曲縣界街道川四十里 北至陽曲縣

界大王村三十五里縣志至陽曲縣北屯四十里 東南到張花村三十

里徐溝縣治四十里 西南到葦谷山三十里交城縣治七

十里 東北到黑駝村四十里陽曲縣治四十里 西北到

虎谷山四十里靜樂縣二百四十里

鄉鎮 東鄉小店鎮十五里 西鄉晉祠鎮十二里 南鄉北格

鎮三十里

舖遞 總舖在縣治北 東路將東十京橋十五嘉節二十

馬村三十里

東南路三賢

二十里

東北路鄭村

四十里

許西

舊通

志作許丹圖作許東未詳孰是

西南路王索

十五里

北路武家莊

十五里

南

屯二十里

道徑

風峪山達交城古孔道今小徑也蒙山達平陽古今

胥小徑實要地也

榆次縣

要缺衝繁難

春秋晉魏榆地又為祁氏邑魯昭公二十八年始置涂水縣

戰國為趙榆次地漢置榆次縣省涂水為鄉入焉莽曰太原

亭又為中都縣地胥隸太原郡晉分榆次之東境置壽陽縣

魏樂平郡北魏真君九年省榆次入晉陽而徙中都於縣故

城東景明元年復置榆次縣北齊文宣又省榆次入中都移

中都於治西十里漢榆次故城隋開皇中廢中都縣仍改為

榆次徙漢故城西北隅又析餘地為清源縣唐隸太原府

宋次隸太平興國四年平太原毀其城徙治榆次五月更名

新并州封圻四百餘里七年徙州治唐明鎮縣屬焉金大定

初以地廣民眾割其東三百戶入壽陽西四千五百戶入平

晉南三千七百五十戶入太谷西南六百戶入清源西北八

百戶入陽曲榆次尙存三萬二千六百餘戶元下隸冀甯路

明隸太原府

國朝因之編戶舊一百八里今七十都

左傳石言於晉魏榆杜注魏榆晉地服曰魏邑榆州里名

史記秦莊襄王二年蒙驩取趙榆次 漢志榆次涂水

鄉晉大夫智徐吾邑案水經注引十三州志以為涂陽縣則漢亦嘗置縣矣然二志無文未敢

定

謹案地形志中都縣有榆次城元利志中都故城在縣東十里高齊移於廢榆次城卽今縣理是也太平記同是魏齊中都爲榆次縣城故縣西十里有漢故榆次城高齊初省榆次移中都於故榆次城故隋又因故城名而廢中都仍爲榆次也惟隋志稱開皇中改而太平記則云齊文宣十年改未知孰是今以魏志爲定

縣城 隋開皇二年建明景泰元年修周五里高三丈池闊與高等深半之舊有四門因寇至塞其西久而遂廢成化十九年增築之二十三年始鐵其門內外甃以甗石嘉靖二十一年有葺增高五尺廣一尺撤土堞悉易以甗置敵臺二十角樓四皆補十有六濠外復列垣爲蔽二十五年城南樓燬於

水新其三門東曰迎曦南曰觀瀾北曰望嶽隆慶元年四面
悉毀以甃增敵臺十有六警舖十有二三門各建大樓而西
門仍塞萬曆三十二年創開西門甃城二樓與三門等題其
門曰帶汾樓曰西餞天啓癸亥加修崇禎七年周圍鑿池數
仞十三年重修各門城樓

國朝順治六年城東樓燬於火知縣楊三知補之御史張養
記康熙二十二年雨圯東城知縣劉星加修雍正六年乾隆
十四年嘉慶十九年皆嘗補修 南關有土城周圍五百四
十七丈

縣境 在府東南六十里

東西廣八十五里南北袤一百一十五里

東至壽陽縣界西落鎮三十里 西少北至太原縣界狄村

舖二十五里太原縣治七十里 南至大谷縣界東陽鎮三十里大谷縣治六十里 北至陽曲縣界八十里 東南到遼州榆社縣治一百八十里 西南到徐溝縣界永康鎮二十五里徐溝縣治六十里 東北到壽陽縣界什貼鎮四十五里壽陽縣治一百二十里 西北到陽曲縣後溝四十里陽曲縣治六十里

鄉鎮 東北鄉王胡鎮十里什貼鎮四里 東南鄉源渦鎮五里

西北鄉鳴謙鎮二十里西南鄉懷仁鎮十五里永康鎮三十里

東陽鎮三十里白田鎮二十里 縣志古十一鄉來暮鄉思風

鄉在縣北三教鄉在縣東南懷陽鄉聖歷鄉

關元鄉在縣西南使相鄉鳴謙鄉在縣西北 驛站 鳴謙驛極街 縣北二十里東七十里至壽陽縣太安

驛西五十里至陽曲縣臨汾驛兒嶺馬四十四匹馬夫二十名

厥夫九十名 王胡驛 極衝 縣東北十里北七十里至壽陽
縣太安驛西七十里至徐溝縣同戈驛見額馬七十七匹馬
夫三十八名半

舖遞 總舖在城 東南路源渦 五里 趙村 十八里 八達 二十里 相立

二里 中莊 五里 仁烏 六里 慶城 八里 舊通 九里 舊

城 東北路聶村 十里 付村 十五里 磚井 二十里 龍白 三十里 要店 三十里

里 什貼 四十里 西南路王村 十里 南郭 十三里 張慶 二十里 陳侃 十二里

里 永康 三十里 東陽 三十里 西北路谷頭 十五里 鳴謙 二十里 侯村

十五里 秋村 二十里

道徑 東由源渦村越徐河至壽陽縣西落鎮界東南越徐

河達榆社縣西由六堡村二十五里達太原縣西北由趙村

狄村鳴謙驛至烏金山五十里正北由聶村鳴謙鎮至烏金

山四十里東北爲壽陽縣界胥孔道也

太谷縣舊縣

春秋晉大夫陽處父邑戰國屬趙漢置陽邑縣隸太原郡莽

曰繁穰後漢明帝時封馮魴爲侯國北魏眞君九年省景明

二年復後周建德四年徙治縣西四十五里隋開皇三年郡

廢以縣屬并州十八年改曰太谷以縣西南有太谷故名元

志太平記并同蓋唐武德三年以太谷祁二縣置太州六

兼有祁縣之東境次隸太原府金大定中割榆次縣

年州廢仍隸太原府

修文仁義二鄉三千七百五十戶來屬興定四年正月於壽

陽西張寨置晉州以太谷隸焉元州廢隸太原路大德中

改冀甯路仍隸焉明隸太原府

國朝因之編戶舊八十三里今四十二里

水經注侯甲水發源祁縣侯甲山又西北歷宜嵐郊逕太

谷謂之太谷水西北流至祁縣故城南案縣以太谷名而

唐以前兼有祁縣地也谷即今之紫紅口唐開柏谷也去

今縣及祁縣均三十里而地則屬祁縣志以成陽谷當之則非侯甲水所經矣

謹案後漢志陽邑有箕城注左傳晉人敗狄於箕近

儒顧亭林氏嘗辨其非以為悼公之後晉地始及霍

山之北與縣上千畝晉陽同一致疑良是陽邑舊說

以處父邑得名世無異詞但考文襄之世晉境尙未

至此何由取為處父之邑乎亦不足信特相傳已久

姑仍其舊而辨之如此與晉陽縣上存舊說之例同

縣城 後周建德四年築土城周十二里高一丈八尺池闊

一丈深五尺南面泥淤明景泰元年增修正德六年因流寇

入城益加增築高二丈五尺四門悉以甃甃上建重樓各四
楹而其東曰長樂南曰永康西曰登豐北曰拱辰四隅各建
角樓嘉靖二十年城復頽圯創甃城於東北設重門於西南
築敵臺六座各構樓於上並深濬城壕二十六年復增置四
面敵臺隆慶元年石州破寇薄城下兵退增修南門加甃城
改其扁東曰資陽南曰麗正西仍曰登豐北曰毗燕萬曆四
年發以甃石城基壘石高五尺許自基至堞頂高三丈七尺
六寸基闊四丈二尺甃樓城樓俱加修飾添設警鋪五十六
馬道俱用甃砌闕視其城崇禎十五年四門外各建敵樓
國朝順治六年賊姜瓖燬東城半面知縣戴可進重修
縣境 在府東南一百二十里

東西廣一百三十里南北袤五十五里

縣志作東西延一百一十五里南北袤六

里十

東至遼州和順縣界焦紅色村一百一十五里和順縣治二百二十里 西至祁縣界白圭村一十五里 南至祁縣界口子頭村三十里 北至徐溝縣界二十里 東南到榆社縣治一百三十里 西南到祁縣治四十里到沁州治一百八十里 東北到榆次縣界東陽鋪三十里榆次縣治七十里 西北到徐溝縣治三十里

主簿駐范村鎮

鄉鎮 東鄉陽邑鎮四十里 范村鎮四十里 南鄉白城鎮二十里

北鄉白村鎮二十里

舖遞 總舖在城 東路陽莊七里亦作庄 小常十里 東南路石

象十五里 陽邑四十里 回馬四十里 龐莊五十里 官寨六十里 馬嶺七十里

西北路白村二十里

道徑 東至焦紅色南至紫紅鎮西南至盤陀鎮西至白圭鎮道通遼沁西北至堯城鎮胥衝途東北至八樹嶺為山徑亦孔道也

祁縣中缺街繁

春秋晉祁奚邑魯昭公二十八年始為縣戰國屬趙秦隸太原郡漢因之高祖六年封緡賈為侯國莽曰元北魏太和中原州別駕分瓚徙縣治於西北五里北齊天保七年省隋開皇十年復屬并州唐武德三年隸太州六年州廢屬并州開元十一年改州為太原府縣仍屬焉北漢於縣東三十里別置隆州宋平河東州廢縣如故次歲金貞祐中以尚書左丞胥鼎議於縣東團柏鎮置幘州縣屬焉州尋廢興定中隸

晉州元下仍隸太原爲冀甯路屬縣明隸太原府
國朝因之編戶舊四十五里今二十四里

左傳命賈辛爲祁大夫杜注今太原祁縣

水經汾水又南過大陵縣東注汾水於縣左池爲鄔澤廣
雅曰水自汾出爲汾陂東西四里南北十餘里陂南接鄔
地理志曰九澤在北并州藪也呂氏春秋謂之大陸又名
之曰漚夷之澤俗謂之鄔城泊又注嬰侯之水亂流逕中
都縣南又謂之中都水侯甲水注之水發源祁縣侯甲山
又西北逕太谷謂之太谷水出谷西北流逕祁縣故城南
自縣南延西接鄔澤是謂祁藪也卽爾雅所謂昭餘祁也
又注又西北逕京陵縣故城北又西北逕中都縣故城南
又注侯甲又西合於嬰侯之水逕鄔縣故城南又注又西

北大陂而歸於汾流矣

謹案周官職方并州澤潞曰昭餘祁鄭注今太原祁縣又爾雅十藪燕有昭餘祁又曰燕曰幽州據水經注則自大陵之東在今文水南遷祁縣南京陵北中都南在今平遙縣北陂縣南在今張蘭鎮北皆古陂地實昭餘祁藪也自古無異祠近日戴東原氏撰汾州府志據爾雅之文謂燕曰幽州而職方并州山川浸澤恆山滹沱滙夷涑易皆幽州境是職方之幽州既爲虞之營州并州實虞之幽州而虞之并州仍爲職方冀州之地則昭餘祁不得在今之山西境亦當在直隸境內而以燕有昭餘祁一語爲證其說甚辨而欲以今南北二定當之與舊通志以楊紆爲直

隸之甯晉泊者同一新奇然今直隸之諸淀實始於
北宋之塘泊殊非唐虞三代之舊似其說尙不足據
如以其名之巧合言則直隸之祁州亦與甯晉縣之
古楊氏縣相似何不據以爲證乎

縣城 後魏并州別駕分瓚建周四里三十步高二丈五尺
厚一丈八尺明景泰元年重修嘉靖間增築加高厚各五尺
許創築東南北月城三座幫修敵臺三十座萬曆五年始用
甄鬻圍廣如舊高厚又增之計高三丈三尺八年撤東南二
門加建層閣月城警鋪諸舍濬濠四面各深一丈闊三丈內
牆一道高六尺外隄一道高七尺闊一丈扁其門東曰瞻鳳
南曰凭麓西曰挹汾北曰拱辰

國朝順治六年姜瓖之變知縣王之鼎繕城固守康熙十年

城益頽圯知縣陳祖法增修四十四年知縣朱瑄加修葺舊城北東隅女牆下有溝隄四十有七高下坎陷至是乃平之乾隆三十五年知縣陳德輝再修西關城周二里

縣境 在府南少西一百四十里舊志作在府南一百五十里

東西廣五十五里南北表四十三里縣志作東西相距五十五里南北相距一百五十里

東至太谷縣界白圭鎮三十里少北至太谷縣治四十里

西至文水縣界二十五里文水縣治七十里 南至汾州府

平遙縣界十三里 北至徐溝縣界三十里少西至清源鄉

六十里 東南到沁州武鄉縣界下窰村一百二十里武鄉

縣治二百二十里 西南到平遙縣界交界舖一十五里平

遙縣治四十五里 東北到徐溝縣界北堡村四十里徐溝

縣治五十里 西北到文水縣界趙城村十里交城縣治六

十里

鄉鎮 東鄉東觀鎮二十里 西鄉城趙里十里 上段二十里 南鄉

故縣十五里 澗村二十里 梁村集二十里 紫紅鎮三十里 來遠鎮七十里

北關鎮九十里 北鄉賈令鎮十五里 北左集二十里 長頭集二十里

縣志沃越上段故縣澗村舊並存市集今廢

驛站 賈令驛極衝 縣北十五里南五十里至平遙縣洪善

驛北六十里至徐溝縣同戈驛東五十里至盤陀驛見額馬

七十七匹馬夫三十八名半厥夫九十名 盤陀驛稍衝 縣

東三十里舊在盤陀 南六十里至武鄉縣南關驛見額馬

十四匹馬夫五名遞運所夫三十五名

舖遞 總舖在城 北路豐澤北關 賈令十里 東陽冀十五里 左

東路 西路高城即五里舖東城即十舖鄭家十五里舖東路

白圭三十里團柏三十里南路紫紅三十里盤陀五十里來遠七十里

舊志有北關團城三賈

道徑 東出紫紅口南行經南北二關凡七十里通沁州由

紫紅口北行經團柏白圭凡二十里抵徐溝西北由交界牌

至韓家莊十里豐澤沙河晉十五里南左十里星行十里抵

徐溝西南通平遙此孔道也東四十里至太谷西六十里至

文水西北六十里至清源此小徑也

徐溝縣 要缺 衝繁難

春秋晉祁氏邑魯昭二十八年始為梗陽縣漢為榆次縣之

梗陽鄉晉為晉陽縣南境榆次縣西境北魏省榆次入晉陽

景明元年復隋開皇十六年析太原榆次始置清源縣於古

梗陽城舊縣以縣西北有清源水故名大業初省入晉陽唐

武德元年復置隸太原府宋次畿因之金大定二十九年

始析縣東徐溝鎮割梗陽鄉十一村及平晉縣斷金鄉十三

村榆次縣西管鄉四村為徐溝縣隸太原府興定四年改徐

溝隸晉州元州廢徐溝下清源下隸晉隋路明二縣同隸太

原府

國朝因之乾隆二十八年降清源縣為鄉入徐溝編戶縣舊

十九里今十二里鄉舊二十八里今十六都近志總一百一十一村

左傳魏戊為梗楊大夫杜注在太原晉陽縣南

舊通志高歡建牙陽曲川梗陽驛子應之是梗楊舊有

驛也徐溝鎮常隸清源而為洞渦象峪沮洳地驛當在

米陽堯城白圭間或曰今徐溝即梗陽鄉也

舊通志梗陽辨晉滅祁氏魏獻子爲政分其田爲七縣以魏皮爲梗陽大夫此梗陽鄉梗陽城之名所由始也今榆次清源徐溝祁四縣皆祁氏邑也而梗陽之在榆次清源徐溝未覈定址按金大定後乃立徐溝縣前此梗陽鄉一十一村猶西隸清源也考杜注梗陽在晉陽南索隱則以爲榆次所有括地志與索隱合而後漢志注以梗陽爲晉陽與前漢注屬榆次似小別細覈之則一而已矣古晉陽卽今太原縣也由太原而西南爲清源縣清源而東爲徐溝而由太原而東爲榆次榆次地本廣晉時曾析餘地爲壽陽北魏省入晉陽北齊省入中都仍名榆次後又析晉陽餘地爲清源清源與榆次晉陽錯壤而金時徐溝實分清源榆次地榆次有梗陽

其地形本在晉陽南則杜雅與索隱括地志初非矛盾而舊唐志云隋於古梗陽城置清源縣元和志云城在清源縣南百二十步瞭如指掌正義引括地志分晉陽縣置本榆次縣地二語尤爲貫串此梗陽地之在清源梗陽鄉之在徐溝其定址可據者也

謹案水經注汾水又南逕梗陽縣故城東故榆次之梗陽鄉也似北魏時曾置縣者以下句文義證之縣字當非譌文又考當時已省榆次則晉陽疆域過大分其南界別置縣邑於理爲合但以地形志無文未敢輒補

縣城 金大定八年設縣建城周五里十步高二丈池深九尺明宣德八年金水河夜漲從東門湧入城圯惟北門尙存

嘉靖三年修嘉靖十三年重修益增高厚並濬深濠二十一
女牆圯適有邊警易以甃又創角樓四座四十二年增敵
堊上小亭隆慶元年加建東西南甃城萬厯元年築城外隄
堰以防水患自社稷壇起至南壇止五年甃甃全城合太原
榆次太谷清源四縣協濟甃灰基用石壘自基至堞頂高四
丈餘底厚三丈上厚一丈五尺周一千一百五十三丈城上
俱用甃砌內外俱有馬道水道舊惟南門有樓八年四門加
甃三十三年五月嶸峪河漲水衝南關隄深丈餘修隄百餘
丈以遏之三十九年改南門向增置北門甃圍
國朝康熙九年知縣趙良璧修四門城樓扁其東曰懋勤東
作南曰薰風解愠西曰碩望西成北曰晉陽鎖鑰又於北關
門上建魏閣以鎮濬池瀦水建橋梁四座二十五年

朝命發帑修城知縣陳義暉修南城三十六年署知縣太谷
令包秉奎重修後三河數漲復壞東城六十八丈有奇四十
九年知縣王嘉謨增修乾隆三十年知縣朱德麟領庫款同
太原府同知協修咸豐三年知縣賈聯芳新建南城樓並修
西南額垣同治元年河水漲發西北垣基多被浸陷知縣程
豫修復之並重新四門城樓光緒五年知縣王勳祥環城濬
池栽柳以遏水患云 北關城明嘉靖間布政司章僑從民
請命署知縣宗文喜督築高汝行記

清源鄉城 隋開皇十六年因榷陽故城築明景泰元年修
周六里二百步高一丈八尺厚一丈基倍之濠深一丈二尺
闊一丈五尺南西北三門上建戍樓周以女牆宏治二年創
開東門十四年七月因汾河水漲復塞嘉靖間增築高至四

文厚至三丈萬厯十九年以南城垣頽下與關城聯接勢如階梯難以防守高築南關城堡周二里二百四十八步並於東西聯接北城之處高建敵樓各一座重闢東城門上置戍樓外建關廂以資守險崇禎十四年甃包一百一十餘丈十六年復甃包一百丈自西門迤北至北門止以闔寇中輟國朝順治十七年知縣和羹增修南關城四百九十餘丈名曰新城康熙五十三年知縣李璠雍正十三年知縣石彬乾隆十八年知縣高登陸並重修諸門及甃城

縣境 在府南八十里

東西廣廿里南北袤三十一里

東至榆次縣界田村一十三里榆次縣治六十里 西至交城縣界義望村六十里交城縣治七十里 南至太谷縣界

登豐舖一十八里太谷縣治三十里 北至太原縣界南格
村一十三里太原縣治四十里 東南到太谷縣界白村二
十里榆社縣治百十五里 西南到文水縣界五十里到祁縣
治六十里 東北到榆次縣界郝村二十里榆次縣治六十
里 西北到太原縣界戴家堡二十里交城縣治六十五里
清源鄉 在縣西三十里東北至府八十里

巡檢司在鄉城

鄉學訓導在鄉城

鄉鎮 東鄉大常鎮二十里集義村十里 西鄉南尹村十里高白

鎮五十里舊屬清源固驛五十里舊屬清源 南鄉堯城鎮二十里舊屬清源

驛站 同戈驛極衝 在縣治前北八十里至陽曲縣臨汾驛

西六十里至祁縣賈令驛東七十里至榆次縣王胡驛見額

馬八十七匹內歸併清源鄉馬十匹馬夫四十二名半內歸併清源鄉夫四名廠

夫九十名

鋪遞 總鋪在城 北路同戈十里 南路德清十里 高花十里

堯城二十里 羅村二十五里 與堯城並屬清源 西路固平三十里 梁泉三十里

東于四十里 高白五十里 舊並屬清源

道徑 東北經遼西村十里至榆次鳴謙驛七十里南由清

德村十里至祁縣盤陀驛七十里西南由高花村十里至祁

縣賈令驛六十里北由同戈村十里至太原府八十里孔道

也西由清源鄉北七里之固驛至鄉南二十里之高白鎮又

五里許接交城夏家營界距交城縣十五里太汾二府之衝

途也

交城縣 簡缺

漢晉陽縣之西境北齊於此置牧官隋開皇十六年分晉陽

置交城縣取縣西北古交城為名治交山隸太原郡唐續隸

太原府天授二年長史王及善徙洽山南卻波村先天二年

於故縣析置盧川縣開元二年省五代時於縣西置大通監

縣屬焉北漢天會中宋開寶元年自大通監隸太原府宋次畿太

平興國四年復隸大通監寶元二年並監屬之縣上縣改隸

沁州嘉祐四年復來屬金仍隸太原府元下隸冀甯路明隸

太原府

國朝因之編戶舊四十三里今二十五里近志三屯六坊十九都

縣城 唐天授二年長史王及善建徙縣治土城周五里餘

九十步高一丈五尺東南北三門上建櫓堞至元末重修明

洪武三年景泰元年增修嘉靖二十一年增高五尺修城北

一樓二十六年增高一丈厚五尺益置敵樓三十四各冠以
簷鋪池闊與高等深半之創闢西門爲月城爲重門上各建
樓櫓三十八年撤土堦悉易以甃計千有五百增修樓櫓門
各題石東曰據晉南曰帶汾西曰搯秦北曰枕山隆慶四年
周迴增厚各樓廢壞者修飾之東榜曰永康南榜曰人和北
城高其基而易之以應西則仍舊四角冠以樓樓各十二楹
萬厯間加修崇禎十三年甃發全城增高丈餘

國朝康熙九年知縣趙吉士修四城門樓東曰飲光南曰麗
景西曰來爽北曰擷翠規模較宏遠焉 縣東南各有關東
關袤二里有牆塹同治七年重修

縣境 在府西南一百二十里

東西廣一百九十五里南北袤一百六十五里

東至清源鄉界高白鎮村二十里縣志作一十五里清源鄉城四十

五里 西至汾州府永甯州界一百六十里永甯州治二百

六十里西少北至永甯州界劉王崋山一百八十里 南至

文水縣界石堠村一十五里 北至靜樂縣界天城川一百

五十里少西到靜樂縣治三百一十里 東南到文水縣界

北安村一十五里 西南到文水縣界開柵鎮二十里文水

縣治四十里 東北到汾州府臨縣界黑煙山二百二十里

臨縣治三百二十里

巡檢司在故交鎮

鄉鎮 東鄉東社鎮十五里 北鄉故交鎮九十里 武元城三十里

有木厥稅 務今廢

舖遞 總舖在城 東路義望十里 西路洪相十里

道徑 東經義望村十里至高白鎮抵清源鄉西由洪相十里至文水縣開柵鎮此孔道也西至野子河村六十里田家溝三十里至劉王暉村六十里抵永甯州北至東社村九十里又二十里至雙村由岔口村天成川四十里抵靜樂縣西北經西野村新房村一百九十里抵臨縣東北一百里至窰兒頭村又二十里至古交村又三十里至蘭伏村抵陽曲縣此小徑也

文水縣

中缺
前案

春秋晉平陵邑魯昭二十八年始爲縣戰國屬趙曰大陵漢爲大陵縣隸太原郡莽曰大甯又爲平陶縣地北魏省大陵眞君九年仍於縣南十三里置受陽縣徙壽陽民戶居之隸太原郡永熙中又僞置雲州於縣東四十里祁縣界領定襄

雲中建安真興四郡高齊並廢隋開皇十年始改受陽縣爲

文水取縣以西文谷水爲名元和志太唐武德三年隸汾

州六年來屬七年又隸汾州貞觀元年復舊天授二年更名

武興以武后鄉里與太原晉陽並爲京縣神龍元年復爲文

水縣宋次畿元符中徙治於縣西十里章多里卽今城也金

隸太原府元中隸冀甯路明隸太原府

國朝因之編戶舊七十九里今七十都

左傳司馬烏爲平陵大夫史記趙肅侯十七年游大陵

徐廣注太原有大陵縣亦曰陸縣志故城在縣東北二十五里地形志

雲州舊置朔州後陷永熙中改寄治并州界領郡四縣九

盛樂郡縣二歸順還安雲中郡縣二延民雲陽建安郡縣

二永定永樂真興郡縣三真興建義南恩案今縣東有雲州東西二堡蓋

一為盛樂郡一為雲中郡也又祁縣西二十里
有建安村亦當時郡也去此五里
元和志平陶

故城在縣西南二十五里

謹案晉志樂平郡領縣五三日壽陽地形志太原郡

受陽晉屬樂平貞君九年罷樂平郡有大陵城是魏

既省太原之大陵又改壽陽為受陽廢郡來屬而徙

治於大陵城南十三里非新置縣也又案元刊志壽陽下云晉置受

陽縣詳見平定州下

縣城 宋元符間縣令薛昌建舊通志元豐八年建土城周

九里一十八步高三丈二尺厚如之明景泰初增高四尺天

順二年建門樓四角樓嘉靖二十年加高四尺建敵臺十有

六二十一年修東西二門城外列垣為蔽二十三年增修敵

臺四十有八二十九年幫築西面加高三尺厚一丈二尺隆

慶元年俺答犯境縣丞趙禧繕修城郭疏濬濠塹爲禦守計
敵乃不敢薄城下邑令劉宏化記萬厯五年甃以甌石圍廣
如舊高加增計城高四丈五尺基厚四丈頂厚二丈五尺重
門四東扁曰瞻泰表曰朝陽南曰迎薰表曰帶汾西曰靖陞
表曰環岫北曰望恆表曰拱辰門隅各建高樓二增敵樓六
十有四濠深三丈闊四丈增修外牆高七尺天啓四年加修
國朝順治十二年知縣劉乃桂補修北面雉堞十餘丈各門
樓懸扁東曰汾水環流南曰南風薰阜西曰商峰疊翠北曰
北拱紫垣十八年雨圯東南角樓知縣王家桂修之并補修
雉堞十餘丈康熙十一年南門外浮橋水衝城址知縣傅星
重修光緒元年西南垣圯知縣吳超修復並建角樓 南關
土城周圍三里七分

縣境 在府西南一百六十里

東西廣一百二十五里南北袤七十五里縣志作廣一百三十里袤六十里

東至祁縣界四十五里縣志作五十五里祁縣治七十里 西至汾州

府永濟州界八十里永濟州治二百二十里 南至汾州府

平遙縣界五十里縣志作三十里至介休縣治八十里 北至交城

縣界二十五里縣志作三十里少西至交城縣治四十五里 東南

到平遙縣界五十里平遙縣治六十里 西南到汾州府汾

陽縣界三十里汾陽縣治六十里 東北到清源鄉界五十

里 西北到交城縣界二十里

鄉鎮 東鄉西社鎮四十五里徐家鎮五十里 西鄉開柵鎮二十里

南鄉孝義鎮二十五里北鄉石侯鎮三十里

舖遞 總舖在城 北路徐村十里開柵二十里 南路下祠十里

上賢二十里
文星二十里

五里

道徑 北二十里由南北徐村越文峪河至開柵鎮又二十里達交城南經下祠村孝義鎮上賢村至文星舖二十五里入汾陽界此孔道也東至祁縣界南至平遙縣界胥五十里此小徑也汾河梁南賢沙河梁胡家堡此度水之陸道也

崞嵐州 簡缺

秦樓煩地漢西河郡廣衍縣地北魏置崞嵐縣又置軍以屬嵐州北齊爲蘇孤戍隋爲崞嵐軍大業中置崞嵐鎮押草城川賊路在嵐城縣北百里唐永淳二年以崞嵐鎮爲柵長壽中李迥秀置崞嵐軍管兵六千人大足中加兵三千長安三年析宜芳縣於崞嵐舊軍置嵐谷縣隸嵐州神龍二年廢縣置軍景龍中張仁直徙其軍於朔方留者號崞嵐守捉隸大

同開元十二年廢岢嵐軍復置嵐谷縣五代後唐爲安元城漢爲岢嵐軍宋太平興國五年以嵐州嵐谷縣建岢嵐軍仍置嵐谷縣熙甯三年縣廢元豐六年復置縣爲軍治如故金岢嵐州下刺史大定二十三年改軍爲州隸河東北路仍置嵐谷縣貞祐三年九月升防禦四年正月升節鎮五月復爲防禦元隸冀甯路省入嵐州至元二年復省入管州五年復置明初建鎮西衛洪武七年設岢嵐縣九年改爲州隸太原府而以興縣嵐縣隸焉

國朝因之雍正三年嵐縣直隸太原府八年興縣由保德州改隸太原府編戶舊十一里今十都

州城 唐建軍城宋元豐八年知軍事賀紹慶展東南隅四里大觀初知軍事王喆修明洪武七年衛指揮張興贊以輒

石周六里二百七十八步高三丈八尺池闊五丈深二丈五尺門四東曰宜陽南曰文明西曰豐成北曰戢甯嘉靖三十一年重修隆慶元年加修崇禎三年守備聶德元修繕城垣疏濬濠塹流寇不克而去

國朝順治五年城圯兵備道樓希昊檄知州員盡忠增修櫓堞以資防守焉 東關附城俗名甄堡

州境 在府西北三百二十里

東西廣一百二十里南北袤一百一十里

州志東西廣九十里舊通志南北袤

九十里

東至甯武府五寨縣界三角城三十里五寨縣治九十里

西至保德州界水峪觀九十里少北至保德州治一百八十里

南至嵐縣界直道溝五十里 北至五寨縣界界牌村

六十里偏關縣治二百里 東南到嵐縣界乏馬嶺四十里

西南到嵐縣治百一十里又東到靜樂縣治一百二十里

東北到五寨縣界納會村四十里 西北到保德州河曲

縣界范家塔村七十里河曲縣治一百八十里

鄉鎮

驛站 永甯驛 僻 在州治後東南七十里至靜樂縣康家會

驛西北六十里至河曲縣沙泉驛見額馬八匹馬夫四名

舖遞 總舖在城 東路牛家莊 十里 明家溝 二十里 嶺底 四十里

東南路劉家灣 十里 小澗 二十里 張家 五十里 西路井溝 二十里

白羊卯 三十里 擦石 七十里 水峪觀 九十里 北路石盤 許圪撩

王梁 五十里 界牌 六十里 西北路高家會 二十里 義井 四十里 李

家溝 六十里 范家塔 七十里 州志永甯驛遞運所東路牛尾

舖黃道川舖遞嵐縣南路小澗舖萬松嶺

鋪選與縣西路約俗鋪水峪觀鋪選保德州北路高家會馬鋪塔長流村鋪選河曲縣今並廢

道徑 東由牛家莊經明家溝二十里鋪嶺底鋪凡四十里至嵐縣界南至劉家灣十里經小澗鋪鼠子窰凡三十里至萬松嶺與縣界西二十里至井溝鋪經白羊茹擦石水峪觀六十里至保德州界北山石盤水圪撩王家梁凡五十里至五寨縣界牌村西北二十里由高家會義井村李家溝凡八十里至范家塔村河曲界胥孔道也實山蹊曲徑也

嵐縣 簡缺

春秋晉地後為樓煩王所據趙武靈滅之以為縣秦為太原郡地漢置益蘭縣隸西河郡北魏為北秀容地後於此置嵐州因界內岢嵐山以為名 元和志太元記同 又置岢嵐縣隋開皇十八年改為汾源縣大業四年改汾源為靜樂縣八年分靜樂

縣置嵐城縣又於靜樂縣界中置樓煩郡縣隸焉唐武德元年改嵐城爲宜芳縣四年平劉武周置東會州縣屬焉又以北和州之太和縣來屬其年又析置合會據唐志豐潤二縣五年省豐潤六年省東會州又省合會據唐志徙故樓煩郡於此重置嵐州治宜芳縣爲下州其年以管州之靜樂縣來屬七年又以石州之臨津縣來屬其後省太和入臨津又改爲合河仍屬長安三年析宜芳置嵐谷縣卽舊崑嵐也後爲崑嵐軍開元十二年軍廢以嵐谷縣來屬天寶元年罷州爲樓煩郡乾元二年復爲嵐州隸河東道宜芳嵐谷並爲中縣五代後周時嵐州入北漢宋嵐州下樓煩郡軍事領宜芳合河樓煩三縣隸河東路宜芳爲中縣元豐五年帶沿邊都巡檢使金仍名嵐州爲下州隸河東北路天會六年置鎮西節度使領宜

芳合河樓煩三縣元爲下州隸冀甯路初領樓煩甯化岢嵐
三縣太祖十六年省入管州至元二年省嵐州入管州五年
復立二十二年割甯化樓煩隸管州仍領岢嵐一縣明省縣
入州又降州爲縣隸太原府岢嵐州

國朝隸太原府編戶舊三十二里今十里

舊通志嵐州辨唐嵐州領縣四首宜芳次靜樂次合河
次嵐谷宜芳本嵐城武德四年更名長安三年析宜芳
置嵐谷今嵐縣十里有宜芳當屬唐宋嵐州地而金
合河縣領合河津乳浪鹽院渡三鎮興縣地樓煩縣當
屬靜樂縣樓煩監地唐武德四年以太和縣屬嵐州爲
今臨縣地又保德州戰國隸林胡北魏隸武川鎮唐隸
嵐州宋淳化四年析嵐州地置定羌軍景德元年改保

德軍元太祖十六年以嵐州併入管州至元五年復立

嵐州二十二年併奇嵐入州則是河曲以南交城以北

得古嵐州地也

宋北魏武川鎮在今歸化城西北志誤以嵐州省於元太祖時亦誤

縣城 隋大業十年建周六里四步宋紹聖中知嵐州事王

舜臣於故城南改築新城周四里高一丈五尺濠深一丈闊

東南北三門有郭乎新城記明正統十三年增高五尺嘉靖

十一年修水門於城東南隅二十年增築城高三丈濠深二

丈三十五年加修城高三丈六尺基厚五丈頂厚基三之一

女牆高六尺建舒鷗樓三十六座敵臺八座濠深闊俱二丈

隆慶四年甄砌女牆建城樓三座東曰迎曦南曰永康北曰

保安萬曆元年增修五年致以甄石表一千九十丈有奇高

四丈厚得三之二崇禎九年復修

縣境 在府西北二百六十里

東西廣一百二十里南北袤一百四十里

東至靜樂縣界舍安舖三十里 西至興縣界河口八十

里興縣治一百四十里 南至汾州府永甯州界赤堅嶺八

十里 北至尙嵐州界乏馬嶺六十里 東南到靜樂縣界

曲立村六十里到文水縣治二百七十里 西南到興縣界

杆樹塢八十里到永甯州治二百二十里 東北到靜樂縣

界鹿徑嶺六十里靜樂縣治一百二十里 西北到尙嵐州

界官莊村六十里尙嵐州治一百一十里 縣志一百二十里

鄉鎮 東鄉東村鎮 偏南三十里 河口鎮 偏北五十里 西鄉上明鎮

三十里 吸百里鎮 四十里 大蛇鎮 六十里 界河口鎮 八十里 南鄉大

賢鎮 三十里 普明鎮 四十里 合會鎮 偏西三十里

舖遞 總舖在城 東路社三里 西路金社二里 黃答

樓子溝三十里 吳家溝四十里 北站五十里 大蛇頭六十里 南

路馬家莊十官橋三十里 普明四十里 王師六十里 墩後八里 赤堅

嶺九十里 灰灰嶺一百里 北路濟道十里 胡家會二十里 雙松四十

范家口五十里 乏馬嶺六十里 鹿徑嶺七十里

道徑 東至岑會川十里 經明家莊十里 至靜樂縣界舍安

舖南至店兒莊二十里 經普明鎮王師莊胥二十里 又二十

里 至永甯州界赤堅嶺西至黃簽舖二十里 經吳家溝大蛇

頭胥二十里 至興縣界北至范家口舖四十里 經鹿徑嶺舖

十五里 又五里 至岢嵐州乏馬嶺 此孔道也 亦山蹊曲徑也

東南到東村舖 曲立村胥三十里 抵靜樂縣界西南到八塔

窰三十里 經小萬村二十里 柞樹塢三十里 抵岢嵐州東北

到榆灣村二十里鹿徑嶺三十里抵靜樂縣界此小徑也

興縣 簡缺

漢西河郡干章縣地武帝以封代共王子遇為侯國晉新興

郡地北齊時置蔚汾縣隋初屬石州大業二年改為臨泉縣

四年隸樓煩郡唐 中武德四年隸東會州七年改曰臨津改

屬嵐州九年省太和縣人焉貞觀元年更名合河以城下有

蔚汾水西與黃河合故曰合河 元和志太宋 中下仍名合河

縣隸嵐州元豐間以瀕河地狹東徙五十里更名蔚汾隸岢

嵐州金仍為合河縣隸嵐州後升興州隸河東北路元興州

為下州隸太原路中統二年改為合河縣三年復舊明降為

興縣隸太原府岢嵐州

國朝隸府雍正三年析保德州為直隸州以興縣隸焉八年

仍改興縣隸太原府編戶舊十二里今四都

舊通志興縣辨舊志興邑漢汾陽地屬太原郡按水經注汾水出太原汾陽縣北管涔山今之靜樂北有管涔則靜樂乃漢汾陽也靜樂之西曰嵐縣古樓煩地興又在嵐之西與樓煩近與汾陽遠班書地理志樓煩屬雁門郡則在秦漢時興縣似當屬雁門郡樓煩縣魏置并州陘嶺以北胥乘之時爾朱榮據秀容樓煩爲重鎮屬新興郡高齊於嵐州置蔚汾縣乃興邑建置之始隋改臨泉又置臨津唐名合河以嵐漪與黃河合故也宋改蔚汾元豐間因瀕河地狹東遷五十里置邑於川谷平衍處卽今治是也金升興州元因之明改興縣隸太原國朝雍正三年隸保德州亦猶明隸岢嵐州意然不如直

附太原爲便非若河曲之在北境當析以隸州也

縣城 明初改興州爲縣景泰元年築土城周二里三百二十步高二丈五尺濠深八尺門三東曰召和南曰文明西曰阜安嘉靖十八年始用甃甃工未竣三十一年甃砌全城築敵臺六座東西南三面皆堅固其北面因山險道可徑通則以牆截之四十四年增修北門扁曰利澤隆慶二年修築凡北山外出者削之內竄者築之砌以甃石刊以雉堞爲官道增敵樓十二角樓八復增東西南三面城共高四丈厚三丈築甃城建城樓

國朝康熙四十九年北城壞數丈知縣樂廷芳倡捐重修縣境 在府西北四百一十里

東西廣一百一十里南北袤一百五十里

東至嵐岢界上會村六十里 西至陝西榆林府神木縣界

盤堂村五十里南至汾州府臨縣界唐家溝村九十里縣志

少西至臨縣治一百五十里 北至保德州界寺河塔七十

里保德州治一百二十里 東南到汾州府永甯州界大坡

村一百三十里嵐縣治一百四十里永甯州治二百八十里

西南到臨縣界瓦首泉村一百六十里榆林府葭州治一

百八十里縣志作一百二十里 東北到奇嵐州界燒灰山七十里奇

嵐州治一百二十里 西北到保德州界馮家川村一百里

保德州 八十里榆林府府谷縣界七十里

鄉鎮 北鄉瓦堂鎮六十里 南鄉康甯莊五十里 蔡家會二百

西鄉黑峪口五十里

舖遞 總舖在城 東路車家莊十二里 二十里舖 奧家坪

二十里陽會崖三十里惡虎灘四十里又二十里接嵐縣界河口鋪南路平淵頭

二十里柏松板四十里康甯莊五十里界墩塢七十里又二十里至臨縣界北

路觸溝二十里蘇家腳四十里赤峪溝六十里又十里接保德州界

道徑 東至嵐縣界河口西至黃河黑峪口此東西孔道也

南由康甯莊四十里至唐家溝抵臨縣北由龍溝抵保德州

此南北孔道也

右八原府